



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-244-4/26**
Datum: **01.07.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica „HENNIG BH“ d.o.o. Živinice, za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju dijelova za CNC mašine u Gradu Živinice, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „HENNIG BH“ d.o.o. Živinice, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju dijelova za CNC mašine u Gradu Živinice, na zemljištu označenom kao k.č. broj: 63/3 K.O. Spreča, Grad Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod sljedećim uslovima:
 - 3.1. Da investitor obezbijedi da se izgrađeni objekti, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se aktivnost privremenog zbrinjavanja motornih ulja obavlja u zatvorenom prostoru za tu namjenu i na način da se onemogući rasipanje i spriječi onečišćenje voda i tla.
 - 3.3. Da korisnik obavezno praktikuje suho čišćenje radnih prostorija, da bi se uklonile nečistoće i eventualno prosuta ulja, a time onemogućilo zagađenje u otpadnim vodama.
 - 3.4. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.5. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 3.6. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.7. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „HENNIG BH“ d.o.o. Živinice je dužan provoditi sve mjere i aktivnosti propisane istom.
6. Ukoliko radom predmetnog objekta nastanu štete bilo kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.

7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama, daje se sa rokom važenja od 5 (pet) godina od dana pravosnažnosti ovog rješenja.
11. Prije isteka važenja ove dozvole, investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „HENNIG BH“ d.o.o. Živinice, zahtjevom broj: 1005/26 od 03.06.2026. godine obratio se ovoj Agenciji za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u radu pogona za proizvodnju dijelova za CNC mašine u Gradu Živinice, na zemljištu označenom kao k.č. broj: 63/3 K.O. Spreča, Grad Živinice.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra matični broj subjekta 32-01-0174-18 od 22.08.2025. godine, izdat od strane Općinskog suda u Tuzli – ovjerena kopija;
- Obavještenje o razvrstavanju pravnog lica prema klasifikaciji djelatnosti broj 07-32.5-79498/19 od 04.02.2019. godine izdato od strane Službe za statistiku za područje Tuzlanskog kantona - kopija;
- Dokaz o uplaćenju administrativnoj taksi 70 KM;
- Uvjerenje o poreznoj registraciji izdato 31.01.2019. godine, od strane Porezne uprave – Kantonalni ured Tuzla-kopija;
- Rješenje o vodnoj dozvoli broj: 04/1-13-21-17696/26 od 18.06.2026. godine izdato od strane Ministarstva poljoprivrede, šumarstva i vodoprivrede Tuzlanskog kantona - kopija;
- Rješenje o vodnoj saglasnosti broj: UP-1/21-2-40-089-2/26 od 04.03.2026. godine izdato od strane «Agencije za vodno područje rijeke Save» Sarajevo;
- Rješenje o naknadnom odobrenju za građenje broj: 04/6-19-2221/2026 od 04.05.2026. godine izdato od strane Službe za prostorno planiranje i urbanizam Grada Živinice;
- Rješenje o sanitarnoj saglasnosti broj: 10/9-33-3548/2026 od 04.05.2026. godine od strane Službe za inspeksijske poslove, Grad Živinice;
- Zapisnik komisije o izvršenom tehničkom pregledu građevine broj: 04/5-19-2730-1/2026 od 01.06.2026. godine;
- Zapisnik o puštanju u rad biološkog uređaja za prečišćavanje otpadnih voda (BP SBR 60 P) od 15.06.2026 godine od strane BORPLASTIKA EKO d.o.o. Tuzla.

B. Tehnička dokumentacija:

- Glavni projekat snabdijevanja vodom i dispozicija otpadnih voda za potrebe rekonstrukcije, nadogradnje i promjene namjene postojećeg poslovnog objekta, investitora Hennig BH d.o.o. Živinice, urađen od strane „ATRIUS PROJEKT“ d.o.o. Živinice, decembar 2025. godine,
- Izvještaj o reviziji od strane TZI-INŽENJERING d.o.o. Sarajevo, decembar 2025. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15,

55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-242-2/26 od 26.06.2026. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće: Lokacija pogona za proizvodnju dijelova za CNC mašine nalazi se u industrijskoj zoni Ciljuge II, na parcelama označenim kao k.č. br. 63/3 K.O. Spreča, Grad Živinice.

Odjel proizvodnje čine sljedeće cjeline: mehanička priprema, sektor brisača, metalne zavjese, rolo zaštita, harmonična zaštita, zaštita kablova. Mehanička priprema podrazumijeva rezanje profila i krojenje dijelova od lima i obrada na CNC mašinama.

Namjena postojećeg objekta je bila proizvodnja tapaciranog namještaja te je izvršena rekonstrukcija, nadogradnja i promjena namjene za proizvodnju sistema pokretnih i nepokretnih dijelova CNC mašina.

Snabdijevanje vodom je obezbijeđeno putem priključka na vodovodnu mrežu.

Za aktivnost ispuštanja otpadnih voda na predmetnoj lokaciji izdato je Rješenje o vodnoj saglasnosti broj: UP-1/21-2-40-089-2/26 od 04.03.2026 godine, od ove Agencije.

Otpad od materijala za čišćenje (razređivač i aceton) i emulzije iz CNC mašina, prilikom zamjene će se odlagati u posude namijenjene isključivo za tu vrstu otpada i adekvatno zbrinjavati od strane ovlaštene firme.

Oborinske otpadne vode sa manipulativnih površina se prikupljaju sistemom slivnika i kanalizacione mreže te bez tretmana odvođe u potok Liješnica.

U objektu je instalirana lakirnica koja nije u funkciji, te nije predmet ovog zahtjeva.

Predmetni objekat je udaljen cca 20,00 m od regulisanog korita potoka Liješnica.

Podnosilac zahtjeva je pribavio Rješenje o odobrenju za građenje od nadležnog organa kao i izvršen je tehnički pregled izvedenih radova na predmetnoj lokaciji i sačinjen zapisnik o istom.

Istrošena motorna ulja prikupljat će se i odlagati u posude namijenjene za tu svrhu i zbrinjavati od strane ovlaštene firme.

Tačka 4. dispozitiva rješenja propisana je u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka, konstatuje se da je podnosilac zahtjeva „HENNIG BH” d.o.o. Živinice, ispunio minimum uslova za izdavanje vodne dozvole za pogon za proizvodnju dijelova za CNC mašine u Gradu Živinice, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- „Hennig BH” d.o.o. Živinice, Ciljuge II bb, 75270 Grad Živinice (Prilog: Tehnička dokumentacija navedena pod tačkom B. obrazloženja Rješenja).
- ⊖ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla, AVP Sava Sarajevo